



Feil!
Ugyldig
filnamn.

AUSTRHEIM KOMMUNE

Møtebok Formannskapet

Møtedato: 03.04.2020
Møtested: Teams-møte
Møtetid: 09:00 - 10:00

Bakgrunnen for ekstramøtet er innføring av lokal forskrift som sidestiller campingvogner, bubilar og båtar med fritidseigedommar, altså ei utviding av nasjonal forskrift om opphald på fritidseigedommar (hytteforbudet).

Dette er same forskrift som Alver skal handsama same dag.

Frammøtte medlemmer	Parti	Rolle
Per Lerøy	AP	Ordførar
Inger Lise Brekke	H	Varaordførar
Morten Sognes	H	Medlem
Helge Dyrkolbotn	KRF	Medlem
Bjørn Inge Håland Dyrkolbotn	SP	Medlem

Følgjande frå administrasjonen møtte:

Møtesekretær Ketil Tjore
Rådmann Liv Løvvik
Kommunalsjef Monika Kvamme
Kommunalsjef Odd Harald Dommersnes
Kommunalsjef Thomas Lindås

Austrheim 3. april 2020

Per Lerøy
ordfører

Ketil Tjore
møtesekretær

Saksliste

Saksnr	Tittel
044/20	Godkjenning av innkalling og saksliste
045/20	Meldingar
045/20.1	Innspel frå Regionrådet Nordhordland til NTP 2022-2033
046/20	Orienteringssak
047/20	Forbod om overnatting i fritidsbustad, campingvogner, fritidsbåtar og bubilar
048/20	Forskrift om stenging av campingplassar, bubilcamping og gjestehamner i samband med Covid-19

Sakspapir

Saksnr	Utvalg	Type	Dato
044/20	Formannskapet	PS	03.04.2020

Saksbehandler	Arkiv	ArkivsakID
Ketil Tjore	FE-033	20/310

Godkjenning av innkalling og saksliste

Framlegg til vedtak:

Innkalling og sakliste vert godkjent

Innkalling og sakliste vert godkjent, med tillegg om at det vert sendt SMS når det er innkalling på kort varsel.

Formannskapet - 044/20 - 03.04.2020

FS - behandling:

Handsaming i formannskapet:

Rådmannen sitt framlegg vert samrøystes vedteke, med tillegg om at det vert sendt SMS når det er innkalling på kort varsel.

FS vedtak:

Innkalling og sakliste vert godkjent, med tillegg om at det vert sendt SMS når det er innkalling på kort varsel.

Saksopplysninger:

Sakspapir

Saksnr	Utvalg	Type	Dato
045/20	Formannskapet	PS	03.04.2020

Saksbehandler	Arkiv	ArkivsakID
Ketil Tjore	FE-033	20/310

Meldingar

Saker

Saksnummer	Tittel
045/20.1	Innspel frå Regionrådet Nordhordland til NTP 2022-2033

Framlegg til vedtak:

Meldingane vert tekne til orientering

Formannskapet - 045/20 - 03.04.2020

FS - behandling:

I dette innspelet frå Regionrådet er det stort sett same satsing som tidlegare, med mellom anna E39 Klauvaneset til Vågsbotn, og fylkesveg 57 over til riksveg.

Handsaming i formannskapet:

Rådmannen sitt framlegg vert samrøystes vedteke

FS vedtak:

Meldinga vert tekne til orientering.

Saksopplysninger:

Sakspapir

Saksnr	Utvalg	Type	Dato
045/20.1	Formannskapet	RS	03.04.2020

Saksbehandler	Arkiv	ArkivsakID
Ketil Tjore	FE-000, TI-&17	20/184

Innspel frå Regionrådet Nordhordland til NTP 2022-2033

Vedlegg:

Oversendingsmail

Framlegg til vedtak:

Formannskapet - 045/20.1 - 03.04.2020

FS - behandling:

FS vedtak:

Saksopplysninger:

Sakspapir

Saksnr	Utvalg	Type	Dato
046/20	Formannskapet	PS	03.04.2020

Saksbehandler	Arkiv	ArkivsakID
Ketil Tjore	FE-033	20/310

Orienteringssak

Framlegg til vedtak:

Formannskapet - 046/20 - 03.04.2020

FS - behandling:

Ordførar Per Lerøy (Ap): Til no i år er skatteinngangen to millionar over budsjett, mars-resultatet var betre enn prognosen ein hadde tidlegare i mars. Frå statlege midlar i krisepakken har ein fått 2,2 millionar så langt i krisepakkane.

Liv Løvvik: Utan Korona så hadde 2020 sett veldig bra ut!

Per Lerøy: Revisjonen har no godkjent 2019-rekneskapen vår, med eit resultat på 4,1 millionar. Skulle faktisk vore 4,3 millionar, men me tek med oss desse 200.000 inn i 2020.

Liv Løvvik: I denne situasjonen med Korona så er meldinga til helse at dei berre må prioritera å skaffa materiell slik at dei er best mogleg budde på ein eventuell smittesituasjon.

Per Lerøy: Bildet er bra så langt, god kontroll i helse/omsorg og administrasjonen, og ingen med Covid-19-smitte så langt.

Inger Lise Brekke (H): Det at ein ikkje har smitte så langt i Austrheim, må visa at folk er lojale og etterlever dei tiltaka som er innførte

Per Lerøy (Ap): Formannskapet onsdag 8. april vert flytta fram frå 14.30 til klokka 12.00.

Møtesekretæren sender Teams-innkalling med nytt tidspunkt.

FS vedtak:

Orienteringane vert teke til vitande.

Saksopplysninger:

Sakspapir

Saksnr	Utvalg	Type	Dato
047/20	Formannskapet	PS	03.04.2020

Saksbehandler	Arkiv	ArkivsakID
Liv Løvvik	FA-X20	20/93

Forbod om overnatting i fritidsbustad, campingvogner, fritidsbåtar og bubilar

Framlegg til vedtak:

- Austrheim kommune vedtar at det er forbode med overnatting i fritidsbustader, campingvogner, fritidsbåtar og bubilar i Austrheim for dei som ikkje har folkeregistrert adresse i kommunen. Forbodet gjeld ikkje personar som nyttar dette til pendlarbustad i samband med yrkes- og arbeidsutføring.
 - Vedtaket gjeld frå 04.04.2020 og har ein varigheit på 7 dagar, i tråd med Smittevernlova § 4-1d
 - Austrheim kommune vedtar at det er forbode med overnatting i fritidsbustader, campingvogner, fritidsbåtar og bubilar i Austrheim for dei som ikkje har folkeregistrert adresse i kommunen. Forbodet gjeld ikkje personar som nyttar dette til pendlarbustad i samband med yrkes- og arbeidsutføring.
 - Vedtaket gjeld frå 04.04.2020 og har ein varigheit på 7 dagar, i tråd med Smittevernlova § 4-1d
- Vedtaket vert gjort med atterhald om at formannskapet i Alver gjer tilsvarende vedtak, når dei handsamar saka fredag 3. april.

Formannskapet - 047/20 - 03.04.2020

FS - behandling:

Rådmann Liv Løvvik orienterte om at dette forbodet er teke opp frå Alver kommune si side. Austrheim har felles legevakt med Alver kommune, og dei utfordringar som Alver har, gjeld også Austrheim.

Er kort veg frå Alver til Austrheim dersom bubil/camping ser at det er forbod i Alver.

Helge Dyrkolbotn (KrF): Om me går med på dette, risikerer me at alle vert pressa vidare til Fedje eller Gulen?

Liv Løvvik: Det er kvar kommune som må vurderer dette.

Per Lerøy (Ap): Fedje, Gulen og Masfjorden tek ikkje dette som forskrift, men går ut med ei sterk oppfordring på linje med alle andre kommunar i gamle Hordaland, om at ein ikkje besøker deira kommune i løpet av påska.

Liv Løvvik: Dette er heimla i smittevernlovgevinga. Kommunelegen/smittevernlegen kan gje sju dagar, kommunestyret må stadfesta dette vidare. Stadfestinga frå kommunestyret skjer tysdag over e-post.

Inger Lise Brekke (H): Helsedirektoratet har sagt at det ikkje er nødvendig med forbod for bubil eller båtar. Er det mogleg å støtta Alver med ei sterk oppmoding, men utan eit forbod?

Liv Løvvik: Om ein berre oppmodar, så kan ein ikkje bortvisa nokon. Saksframstillinga er sjekka opp mot det som gjeld nasjonalt, der det er sagt at kvar kommune kan gjera eigne vedtak.

Inger Lise Brekke (H): Er litt ambivalent på dette, på dette med å anten seia at det er nok med oppmoding, eller vera støttande opp mot Alver som har vår felles legevakt.

Liv Løvvik: For kommunen er det kapasitetsutfordringar med både testing og analyse.

Inger Lise Brekke (H): Er naturleg å støtta Alver dersom dei gjer dette vedtaket. Men her har ikkje Alver vedteke noko enno (møtet startar 12.00).

Per Lerøy (Ap): Kan me seia at det er med atterhald av vedtak i Alver kommune?

Liv Løvvik: Kan også venta med publisering til etter at Alver har gjort sitt vedtak.

Helge Dyrkolbotn (KrF): Kan leggja inn eit atterhald om at dette gjeld frå når Alver gjer sitt vedtak seinare i dag.

Akkurat den tida me går inn i no, vil det vanlegvis stå ein masse bubilar rundt i øyane og i Mastrevik. Samd med tiltaket, men korleis skal det handhevast.

Liv Løvvik: Her vert det gjort ei spesifikk betraktning, og dermed er ein innanfor der andre kommunar har vore utanfor lovgrunnlaget på grunn av meir generelle betraktningar.

Inger Lise Brekke (H): Men på dagtid vil det framleis vera lov å bevega seg med båt eller bubil, så noko smittefare kan det vera.

Liv Løvvik: Det er nettopp på natta at det er dårlegast dekning for legevakten, så det er på natta at det er mest behov for ei slik innskrenking.

Denne saka skal opp til stadfesting i kommunestyret i neste veke, tysdag 7. april. Ønsker også å få kommunestyret si stadfesting på restriksjonar for idrettsanlegg, som fotball.

Inger Lise Brekke (H): Ber om at det vert teke atterhald om vedtak i Alver.

Handsaming i formannskapet:

Sams vedtak om rådmannens framlegg med innlagt atterhald.

FS vedtak:

· Austrheim kommune vedtar at det er forbode med overnatting i fritidsbustader, campingvogner, fritidsbåtar og bubilar i Austrheim for dei som ikkje har folkeregistrert adresse i kommunen. Forbodet gjeld ikkje personar som nyttar dette til pendlarbustad i samband med yrkes- og arbeidsutføring.

· Vedtaket gjeld frå 04.04.2020 og har ein varigheit på 7 dagar, i tråd med Smittevernlova § 4-1d. Vedtaket vert gjort med atterhald om at formannskapet i Alver gjer tilsvarende vedtak, når dei handsamar saka fredag 3. april.

Saksopplysninger:

Bakgrunn

Covid-19 er erklært som eit alvorleg utbrot av allmennfarleg smittsam sjukdom, som kan få alvorlege helsekonsekvensar for mange menneske. Verdens helseorganisasjon har erklært sjukdomen som ein pandemi, og ei alvorleg hending for internasjonal folkehelse. Det er sett i verk omfattande nasjonale tiltak for å avgrense spreiding av Covid-19, og for å bidra til å oppretthalde nødvendige helse- og omsorgstenester. Nasjonale myndigheiter har stengd ei rekkje verksemdar, skular, barnehagar, og nedlagd forbod mot ei rekkje aktivitetar der menneske elles vert samla.

Av omsyn til smittevernet og for å oppretthalde tilstrekkeleg smittvernkapasitet i kommunar og i helse- og omsorgstenesta, anbefalar kommuneoverlegen at det er naudsynt for kommunen å vedta eit forbod mot overnatting i fritidsbustader, campingvogner, fritidsbåtar og bubilar for dei som ikkje har folkeregistrert adresse i kommunen.

Rettsleg grunnlag :

Smittevernlova § 4-1 gjev heimel for vedtaket. Aktuelle tiltak framgår av bestemmelsens første ledd bokstavane a til e.

Grunnleggande krav ved iverksetting av tiltak etter § 4-1 framgår av smittevernloven § 1-5: "Smitteverntiltak etter loven skal være basert på en klar medisinskfaglig begrunnelse, være nødvendig av hensyn til smittevernet og fremstå tjenlig etter en helhetsvurdering. Ved iverksettelse av smitteverntiltak skal det legges vekt på frivillig medvirkning fra den eller de tiltaket gjelder.

Tvangstiltak kan ikke brukes når det etter sakens art og forholdene ellers vil være et uforholdsmessig inngrep."

Vedtaket er i tråd med rettleiaren frå Helse og omsorgsdepartementet, datert 29.03.20:

«Veileder til kommunene om lokale karantenereregler eller innreiserestriksjoner i forbindelse med utbruddet av Covid-19». Der går det fram at tiltak etter smittevernloven § 4-1 må vere vurdert og begrunna i lys av den konkrete situasjonen i den einskilde kommune, og at eit kommunalt tiltak kan vere strengare enn nasjonale tiltak (prt 5).

Vurdering

Kriteria for å bli testa for koronaviruset er strenge, og ein kjenner derfor ikkje dei reelle tala for smitta i dei einskilde kommunane, og smittespreiing kan skje frå personar som ikkje veit at dei er smitta. For å avgrense smittespreiing til befolkninga i Austrheim kommune, vil det vere viktig å avgrense moglegheita for innbyggjarar i andre kommunar til å overnatte i fritidsbustader, campingvogner, fritidsbåtar eller bubilar.

Austrheim har ei sårbar helse- og omsorgsteneste, der karantenetiltak etter nærkontakt med personar med påvist covid-19 sjukdom får omfattande konsekvensar for tenestetilbodet i kommunen. Austrheim kommune har etter helse- og omsorgstenestelova plikt til å yte helsetenester til dei som oppheld seg midlertidig i kommunen. Dette omfattar både heimesjukepleie, og allmennlegetenester, inkludert legevakt. Helse- og omsorgstenestene har allereie stor belastning på grunn av tidlegare utskrivingar frå sjukehus av pasientar som treng helsehjelp, etablering av nye sengeplassar for å ivareta pasientar med mistenkt koronasjukdom, og sengeplassar for dei med påvist koronasjukdom.

Nordhordland legevakt betener befolkninga i Austrheim, Austrheim, Fedje, Osterøy, Gulen, Masfjorden og Modalen. Dette ei sårbar teneste. Ei rekke konsultasjonar på legevakta tar no lenger tid, fordi det er krav til ekstra smitteverntiltak. Kapasiteten ved legevakta er derfor allereie no redusert. Ei auke av befolkninga som skal ha tilbod frå legevakta, vil svekke beredskapen. Bemanninga ved legevakta er sårbar for endringar som Austrheim kommune ikkje har kontroll over, som for eksempel at sjukehuslegar som er ein del av det faste legevaktkorpsset, på kort varsel ikkje lenger kan ta vakter ved legevakta, men blir trekt inn til meir jobbing på sjukehus i Bergen.

Av omsyn til smittevernet og for å oppretthalde tilstrekkeleg smittevernkapasitet i kommunen og i helse- og omsorgstenesta, vert det rådd til at ein vedtar eit forbod mot overnatting i fritidsbustader, campingvogner, fritidsbåtar og bubilar for dei som ikkje har folkeregistrert adresse i kommunen. Det er vurdert at den samfunnsmessige nytten ved smitteverntiltaket er viktigare

enn eventuell belastning og ulempe for dei tiltaket gjeld. Frivillig medverknad er vektlagt i vurderinga.

Konklusjon

- Austrheim kommune vedtar at det er forbode med overnatting i fritidsbustader, campingvogner, fritidsbåtar og bubilar i Austrheim for dei som ikkje har folkeregistrert adresse i kommunen. Forbodet gjeld ikkje personar som nyttar dette til pendlarbustad i samband med yrkes- og arbeidsutføring.
- Vedtaket gjeld frå 04.04.2020 og har ein varigheit på 7 dagar, i tråd med Smittevernlova § 4-1d

Sakspapir

Saksnr	Utvalg	Type	Dato
048/20	Formannskapet	PS	03.04.2020

Saksbehandler	Arkiv	ArkivsakID
Liv Løvvik	FA-X20	20/93

Forskrift om stenging av campingplassar, bubilcamping og gjestehamner i samband med Covid-19

Vedlegg:

Forskrift om stenging av campingplassar, bubilcamping, gjestehamner i samband med Covid-19

Framlegg til vedtak:

- Austrheim kommune vedtar forskrift om stenging av campingplassar, bubilcamping og gjestehamner, i samband med Covid-19.
- Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Formannskapet - 048/20 - 03.04.2020

FS - behandling:

Per Lerøy (Ap) viste til at det er bubilcampingar og gjestehamner fleire stader i kommunen. Dette gjeld overnatting.

Inger Lise Brekke (H): Ser at dette vedtaket ikkje er til hinder at folk kan ta seg ein luftetur, så det er bra.

Handsaming i formannskapet:

Samrøystes vedtak om rådmannens framlegg.

FS vedtak:

- Austrheim kommune vedtar forskrift om stenging av campingplassar, bubilcamping og gjestehamner, i samband med Covid-19.
- Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.

Saksopplysninger:

Bakgrunn

Covid-19 (korona) er erklært som eit alvorleg utbrot av allmennfarleg smittsam sjukdom, som kan få alvorlege helsekonsekvensar for mange menneske. Verdens helseorganisasjon har erklært sjukdomen som ein pandemi, og ei alvorleg hending for internasjonal folkehelse. Det er sett i verk omfattande nasjonale tiltak for å avgrense spreiding av Covid-19, og for å bidra til å oppretthalde nødvendige helse- og omsorgstenester. Nasjonale myndigheiter har stengd ei rekkje verksemdar, skular, barnehagar, og nedlagd forbod mot ei rekkje aktivitetar der menneske elles vert samla.

19.03.2020 vedtok regjeringa ei forskrift som gjev forbod mot å overnatte på fritidseigedom utanfor eigen kommune. Intensjonen med dette forbodet er å sikre at helsetenesta i den enkelte kommune skal kunne handtere pandemisituasjonen for eigne innbyggjarar. Mange hyttekommunar vil ikkje kunne handtere hyttebebuarar i tillegg til sine eigne i samband med koronapandemien.

Forbodet gjeld for overnatting i fritidseigedomar utanfor folkeregistrert kommune, men det er ikkje presisert kva som gjeld for overnatting i til dømes campingvogner, fritidsbåtar og bubilar. For å førebyggje og hindre smitte av Covid-19, samt avgrense belastning på helse- og omsorgstenesta, ser kommunelegen det naudsynt å vedta ei forskrift som stenger campingplassar, bubilplassar og gjestehamner for fritidsbåtar i Austrheim kommune.

Det rettslege grunnlaget er heimla i lov av 5. august 1994 nr. 55 om vern av smittsomme sykdommer, § 4-1 første ledd bokstav b. Forskrifta gjeld frå 6. april 2020 og fram til tiltaket ikkje lenger er naudsynt, jf. smittevernlova § 4-1, 5. ledd.

Vurdering

Norge og resten av verda er i ein sær utfordrande situasjon, og det er sett i verk omfattande tiltak for hindra smitte og for å sikre at helsevesenet har kapasitet til å handtere ein pandemi med Covid-19. Austrheim kommune har som sin hovudstrategi å følgje dei råd og pålegg som kjem frå nasjonale mynde. Forbod mot overnatting i fritidseigedomar utanfor eigen kommune, vil hjelpe på belastninga for den lokale helse- og omsorgstenesta. Helse- og omsorgstenesta er sårbar, også fordi karantenetiltak etter nærkontakt med personar med påvist covid-19 sjukdom, får omfattande konsekvensar for tenestetilbodet i den einskilde kommunen.

Helse- og omsorgstenestene kan raskt bli overbelasta på grunn av tidlegare utskrivingar frå sjukehus av pasientar som treng helsehjelp, etablering av nye sengeplassar for å ivareta pasientar med mistenkt koronasjukdom, og sengeplassar for dei med påvist koronasjukdom. Desse nye tiltaka skal bli bemanna utan at ein har ekstra personellressursar.

Austrheim kommune er også deltakar-kommune i Nordhordland legevakt, som betener befolkninga i Alver, Austrheim, Fedje, Osterøy, Gulen, Masfjorden og Modalen. Ei rekke konsultasjonar på legevakta tar no lenger tid, fordi det er krav til ekstra smitteverntiltak. Kapasiteten ved legevakta er derfor allereie redusert. Ei auke av befolkninga som skal ha tilbod frå legevakta, vil svekke beredskapen. Bemanninga ved legevakta er sårbar for endringar som Austrheim kommune ikkje har kontroll over, som for eksempel at sjukehuslegar som er ein del av det faste legevaktkorpset, ikkje lenger kan ta vakter ved legevakta, men kan bli trekt inn til meir jobbing på sjukehus i Bergen.

Alle kommunane har etter helse- og omsorgstenestelova plikt til å yte helsetenester til dei som oppheld seg midlertidig i kommunen. Dette omfattar både heimesjukepleie, og allmennlegetenester inkludert legevakt. I Austrheim er det hytter, oppstillingsplassar for campingvogner og bubilar, og gjesteplassar for båtar. Kommuneoverlegen ser det som ein risiko

viss det kjem overnattingsgjestar på campingplassar, bubilar og gjestehamner. Det vil kunne vere smitterisiko, og ei potensiell belastning for helse- og omsorgstenestene. For å førebyggje og hindre smitte av Covid-19, samt avgrense belastning på helse- og omsorgstenesta i kommunen, ser kommunelegen det naudsynt å vedta ei forskrift som stenger campingplassar, bubilplassar og gjestehamner for fritidsbåtar i Austrheim. Vurderinga er at den samfunnsmessige nytten ved smitteverntiltaket er viktigare enn eventuell belastning og ulempe for dei tiltaket gjeld. Frivillig medverknad er vektlagt i vurderinga.

Vedtaket om ei lokal forskrift vil vere i tråd med rettleiaren frå Helse og omsorgsdepartementet, datert 29.03.20 «Veileder til kommunene om lokale karanteneregler eller innreiserestriksjoner i forbindelse med utbruddet av Covid-19». Der går det fram at tiltak etter smittevernloven § 4-1 må vere vurdert og begrunna i lys av den konkrete situasjonen i den einskilde kommune, og at eit kommunalt tiltak kan vere strengare enn nasjonale tiltak.

Konklusjon

- Austrheim kommune vedtar forskrift om stenging av campingplassar, bubilcamping og gjestehamner, i samband med Covid-19.
- Forskrifta trer i kraft straks, og gjeld inntil vidare. Forskrifta vert oppheva når tiltaka ikkje lenger er naudsynt, jf. smittevernlova § 4-1, 5. ledd.